



UNIVERSITÄTS-  
BIBLIOTHEK  
PADERBORN

# Horologium Spirituale Scholasticorum Societatis Jesu

**Dirckinck, Johann**

**[Osnabrugi, 1696**

Formandi intentionem.

---

---

**Nutzungsbedingungen**

[urn:nbn:de:hbz:466:1-55025](https://nbn-resolving.org/urn:nbn:de:hbz:466:1-55025)

ORATIO similis ad B. M. V.

**O** Clemens! ô pia! ô dulcis Virgo  
MARIA! Esto mihi quæso  
MARIA & mater misericordiæ  
impetra mihi spiritum Societatis Fi-  
lii tui; infere, quæso, cordi meo, tuum  
amorem, & hoc amabile nomen  
tuum MARIA, ut ejus dulcedine  
pascar; ejus quoq; amore ita ardeam  
ut moriar in te MARIA, matre mea  
dulcissima, Matre mea suavissima  
Matre mea jucundissima, repetito  
hoc amabili nomine tuo, MARIA  
MARIA, Amen.

*PRAXIS III.*

Intentionum particularium  
pro singulis hebdomadæ diebus.

INTENTIO DIE DOMINICÆ.

I. **O**Mnia mea verba, cogitationes &  
opera offero SS. Trinitati, ad ma-  
jorem ejusdem gloriam, gustum ac bene-  
placitum: Item Christi Domini gloriosius  
resurgentis & omnium Sanctorum. 2. In  
gratiarum actionem pro omnibus beneficiis

ciis, ac præcipuè, prædestinationis, creationis & conservationis. 3. In satisfactionem pro omnibus peccatis, præsertim adolescentiæ meæ. 4. Pro extirpatione vitiorum, præcipuè, proprii iudicii. 5. Ad obtinendum ardens & insatiabile perfectionis desiderium. 6. Pro exaltatione S. Matris Ecclesiæ, & Indorum, Chinensium, Japonum, Brasilorum, Turcarum & Tartarorum aliorumq; populorum infidelium conversione. Patroni hodie erunt, actionesque nostras SS. Trinitati offerent omnes sancti, in cœlo triumphantes.

*FERIA II.*

I. **O**Mnia offero DEO Patri, ad maiorem ejus gloriam, gustum ac beneplacitum : & Christi Domini pro nobis incarnati & nati : nec non S. Ignatii, S. Xaverii, S. Borgiæ, B. Aloysii, B. Stanislai, omniumque è Societate in cœlo regnantium.

2. In gratiarum actionem pro omnibus beneficiis, ac præcipuè vocationis ad Societatem. 3. In satisfactionem pro omnibus peccatis, præsertim in Societate admissis. 4. Ad extirpandum perfectè respectum humanum. 5. Ad impetrandum

verum spiritum Ignatianum, seu Societatis nostræ, & perseverantiam in vocatione.

6. Pro omnibus fidelibus defunctis, præsertim iis, quibus magis obstrictus sum: ut Patre, Matre, Fratibus &c. ut vicissim mihi plenarias in morte indulgentias, & liberationem à purgatorio impetrare dignentur. Patroni hodie erunt SS. Patriarchæ, & Prophetæ Veteris Testamenti, cum S. Ignatio, aliisque Beatis è Societate.

*FERIA III.*

I. **O**ffero omnia ad majorem gloriam Filii Dei, Redemptoris nostri Jesu Christi, triginta annis vitam occultam agentis, & S. Angeli Tutelaris mei, omniumque SS. Angelorum. 2. In gratiarum actionem pro omnibus beneficiis, ac præcipuè veræ fidei, & custodiæ angelicæ. 3. In satisfactionem pro omnibus peccatis, præsertim cogitationis. 4. Ad vincendas strenuè omnes mundi, Carnis & Dæmonis tentationes. 5. Ad obtinendū duplicem spiritū, orationis & mortificationis. 6. Pro toto Imperio Romano, & in primis pro hac civitate & patria. Patroni erunt S. Angelus Custos, cum S. Michaële, Gabriele, Raphaële, cæterisque Angelis. FE.

*FERIA IV.*

I. **O**ffero omnia ad honorem Spiritus sancti, & Christi Domini triennio Evangelizantis regnum Dei: Nec non SS. Patronorum, S. Joannis Baptiste, S. Josephi, S. Petri, S. Pauli, S. Joannis Evangeliste, Patroni Patrie, Ecclesie, nominis &c. S. Joachim, S. Anne, aliorumq; de cognatione Christi, & B. V. 2. In gratiarum actionem pro omnibus beneficiis, praesertim corporalis & spiritualis sustentationis, aliisque beneficiis privatis. 3. In satisfactionem pro omnibus peccatis praesertim loquere. 4. Ad extirpandam omnino sensualitatem. 5. Ad impetrandum ardentem amorem Dei & proximi. 6. Pro parentibus, Cognatis, Amicis, Benefactoribus, Superioribus, subditis. Patroni erunt praedicti sancti cum reliquis Apostolis & discipulis Domini.

*FERIA V.*

I. **O**ffero omnia ad majorem Dei gloriam, sanctissimi Sacramenti; uti & Sanctorum Pontificum, Episcoporum, Sacerdotum, & Confessorum. 2. In gratiarum actionem pro omnibus beneficiis, praesertim institutionis hujus Venerabilis

Sacramenti, & sanctificationis. 3. In satisfactionem pro omnibus peccatis, præsertim operis, & circa hoc Sacramentum commissis. 4. Ad vincendam perfectè curiositatem. 5. Ad impetrandam singularem fidem, spem, charitatem & reverentiam hujus admirabilis Sacramenti. 6. Pro Pontifice, Episcopis & Prælati Ecclesiæ, uti & pro Imperatore, Regibus & Principibus. Patroni erunt antedicti Pontifices, Episcopi, Sacerdotes & Confessores, præsertim huic amabili Sacramento specialiter addicti.

*FERIA VI.*

I. **O**ffero omnia ad majorem gloriam Christi crucifixi, SS. ejus quinque Vulnerum, & S. Stephani, S. Laurentii aliorumque Martyrum. 2. In gratiarum actionem pro omnibus beneficiis, præsertim Redemptionis. 3. In satisfactionem pro omnibus peccatis, præsertim occultis, alienis & oblivioni datis. 4. Ad perfectè eradicandam superbiam & vanam gloriam. 5. Ad impetrandum ardentem amorem Christi crucifixi, & desiderium fervens imitandi ejus paupertatem, castitatem, obe-

obedientiam, humilitatem, patientiam, charitatem & zelum animarum. 6. Pro conversione Peccatorum obstinatorum, hæreticorum, Ethnicorum, Judæorum & Atheorum, ac pro meis quóque & Societatis inimicis. Patroni erunt supradicti SS. Martyres.

*SABBATO.*

I. **O**ffero omnia ad majorem gloriam Christi Domini pro nobis sepulti, uti & Beatissimæ Virginis Mariæ sine macula conceptæ, aliarumque sanctarum Virginum & Viduarum. 2. In gratiarum actionem pro omnibus beneficiis, præcipuè per B. M. V. nobis collatis. 3. In satisfactionem pro omnibus peccatis, præcipuè ingratitude, negligentie & omissionis. 4. Ad eliminandam omnem inconstantiam & tepiditatem. 5. Ad impetrandum amorem tenerum & devotionem singularem erga B. V. Donum castitatis angelicæ, & sanctam mortem. 6. Pro singularibus Dei paræ Cultoribus, item toto orbe, tentatis, afflictis, periclitantibus, nascentibus & agonizantibus. Patronæ erunt B. V. & reliquæ SS. Virgines & Viduæ.

## PETITIO BENEDICTIONIS.

**D**ignare Domine JESU, cum Patre & Spiritu Sancto mihi dare tuam sanctam benedictionem, uberemque gratiam te semper amandi, voluntatem tuam exequendi, in sancta vocatione perseverandi, & juxta ejus institutum perfectè vivendi, ut te pane Angelorum dignè fruam in vita, meta, & patria.

Dilecta Mater, quaeso te, mihi bene precare: optòque ut hac die Deo fideliter serviatur ab omnibus, nullusque sit ita infelix, ut tuam & filii tui offensam incurrat, Amen.

Nos cum prole pia, benedicat  
Virgo Maria.





S.  
um  
nihil  
tio-  
em-  
xe-  
rfe-  
um  
ge-  
, &  
nihil  
die  
ous,  
&  
en-  
at  
ME.



Motibus internis  
regitur

*In meditatione mea exardescet ignis.*